

Baenz Daegsaek Rox Gvensim Ok Cingzcik

有特色 善关爱 出成效

——Geiq Gij Hong Ak Banhhag Denzyangz Yen Nazboh Cin Bakfung Cungsim Siujyoz

□bonjbauq gicej Yangz Lanzgvei

Denzyangz Yen Nazboh Cin Bakfung Cungsim Siujyoz laeb youq 1743 nienz, daengz bineix gaenq miz 272 bi nanz lo. Aen hagdangz neix dieg youq baihnanz Denzyangz Yen ndaw Nazboh Cin Mbanjbakfung, liz yienhsingz 25 goengleix. Seizneix, aen hagdangz neix miz 6 aen nienzgaep 13 aen ban, gungh miz 589 boux hagseng; lauxsae nem cizgungh 30 vunz, ndawde lauxsae 28 vunz, bouxguenleix boux ndeu, bouxhougingz boux ndeu, gyoengq lauxsae de 12 boux dwg lauxsae gaugaep, lauxsae hozgwz caez. Lai bi daeuj, aen hagdangz neix gaenxmaenx cauh vwnzva minzczu noengzna, aeu sim doxgyau gvensim lwgnyez louz mbanj, sonhag cingzcik yienhda ndaej haenhndei.

Cauh vwnzva minzczu noengzna

Byaij haeuj ndaw hagdangz neix, diuz cangzlangz vwnzva minzczu miz 40 mij raez de gig yienhda, ndawde miz doz miz saw, gig ndei dwk lwnhgangj le Bouxcuengh gij lizsij gyaeraez, fungsug sibgvenq, vah saw daengj. Ndwade vahbaihnaj baenzneix sij: Bakfung Cungsim Siujyoz dwg Denzyangz Yen aen hagdangz ceiq gonq guh Cuengh Gun song saw vah sonhag ndeu, miz goekdaej minzczu vwnzva gyauyuz haemq laeg; dingz lai hagseng dwg vunz Bouxcuengh dangdieg, aen hagdangz neix daj banyouwz hainduj guh Cuengh Gun song saw vah sonhag; bingzciengz cungj guh minzczu vwnzva gyauyuz, hawj hagseng roxyiuj lizsij, vwnzva, sibgvenq bonj minzczu; gyoengq lauxsae de miz roek boux dwg Sawcuengh conhyez bizyez, doengh-boux lauxsae hwnjdangz cienzbouh ginggvaq swcigih gaep minzczu vwnzva gyauyuz beizyin, guh ndaej guh ndei hong minzczu vwnzva gyauyuz.

Aen hagdangz neix doenggvaq vwnzva cangzlangz, denswj yensibinz daengj senhconz gij cihsiz vwnzva minzczu nem gij yi minzczu

doxgiet, cauhsuh aen fwnveiz ndei “bingzdaengj, doxgiet, doxcoengh, huzndei”. Youq bingzciengz guh sonhag, aen hagdangz neix anbaiz goqdangz son’gyauq minzczu doxgiet, bauj hwnj gaeuq hwnj ndei goqdangz minzczu doxgiet, doengz-seiz youq hwnj yijvwnz nem goqdangz wng seizde cabhaeuj minzczu gyauyuz, lij yungh seiz hai banhvei, duivei, seiz guh yizsi swnggeiz de guh minzczu doxgiet gyauyuz.

Ciuj gij daegdiemj hagseng, hwnj ndei goqdangz minzczu gyauyuz. Goqdangz yungh gij sawson nem yaemsiengq dwg daengx guk doengjit yungh de, moix boux hagseng cungj miz 《Cangzsiz Minzczu》nem《Ranzhung Cunghvaz》, leihyungh sawson dajyinx hagseng rox vwnzva lizsij minzczu, beizyangj hagseng gag miz saenqsim.

Baenz swcigih Cuengh Gun song saw vah saedniemh zozyau le, aen hagdangz neix gaenxmaenx guh buek hozdung “swncienz dijjuz nem yisuz minzczu”, leihyungh goqdangz dijjuz sonhag fouxfaexsaw, dwkdomq, haizgieg beij vaiq, dik lwggienq, diuj foux minzczu daengj, doenggvaq guh gij hozdung neix, hawj hagseng saedceij lai fungfouq, hawj vwnzva minzczu ndaw hagdangz gyalai neiyungz.

Aeu sim doxgyau gvensim lwgnyez louz mbanj

Ndaw hagdangz neix 589 boux hagseng, ndawde 471 boux ninz ndaw hagdangz. Seizneix vunzgoeng lajmbanj okrog ra hong gyalai, lwgnyez louz mbanj gyalai. Aen hagdangz neix gig gvensim gyoengq neyz louz mbanj. Youq ndaw hagdangz, lauxsae gingciengz caeuq gyoengq neyz louz mbanj ganggoj gyausim, caemhcaiq son gyoengqde aeu doxgiet doxcoengh, doxgyaez doxhaeuj, hawj gyoengqde dawz hagdangz dangguh aen ranz hung, hagdangz dangguh ranz. Son gyoengqde aeu rox gag haenqrengz gag bienq ak, gaenxmaenx cinbu,

gag rox swnghhoz, gag rox haenq hag, couhcinj mbouj miz bohmei youq gyawj hix mbouj gag yawjsiuj. Moix aen haggeiz fat cienzngaenz bangbouj le, aen hagdangz neix anbaiz hawj gyoengq neyz louz mbanj gonq. Aen hagdangz neix lij lienzhaeh ndawbiengz gij donzdij roxnaeuz danhvei gien cienz gien doxgaiq, coengh gyoengq neyz louz mbanj nem hagseng ranz gungzhoj. Youq baihgrog hagdangz, lauxsae hix gvensim gyoengq neyz louz mbanj, hagseng yae bae ranz, lauxsae daengq aeu haeujsim ancienz vwndiz, couhmoz hagseng dauq daengz ranz, hawj hagseng geiqmaenx denva lauxsae, danghnaeuz miz saeh le seizlawz cungj ndaej dwk hawj lauxsae. Aen hagdangz neix yienghneix guh le, bohmei hagseng haenhndei raix-caix.

Son hag caemh ndei, cingzcik yienhda ndaej haenhndei

Aen hagdangz neix genheiz baengh gohyenz hwnghoengh, okmoq hwnghat, lauxsae gaenxmaenx sij lunvwnz, ndawde miz haujai bien ndaej guekgya, swngj(swcigih), si gaep it, ngeih, sam daengj ciengj.

Aen hagdangz neix caezciengz bingzciengz guenleix, lingidauj nem lauxsae okmoq naemjap, doxgiet haenqguh, ceng aeu cinbu, guenleix suiyingz nem hagseng cunghab suciz mboujduenh daezsang. Aen hagdangz neix bouxboux gaenxmaenx haenqguh, ndaej baihgwnz nem ndawbiengz gak gyaiq haenhndei. 2006 nienz ndaej bingzguh si gaep vwnzmingz danhvei. 2009 daengz 2014 nienz laebdaeb 6 bi ndaej bingzguh ndaw cin senhcin danhvei. 2014 nienz boux hagseng Liuz Yingcauh camgya Denzyangz Yen aeu Vahcuengh byauhcuinj gangj goj-gaeq doxdax, aenndaej daengdaengciengj, de daiyauj Denzyangz Yen camgya daengx gih aeu Vahcuengh byauhcuinj gangj goj-gaeq doxdax, aeundaej samdaengciengj, aen hagdangz neix ndaej cujeiz daegbiedciengj.



▲ Hagseng yienj Heiquengh 《Baksetgim》.



▲ Guh hozdung sonhag dijjuz nem vwnzyi minzczu.



▲ Diuz cangzlangz vwnzva minzczu ndaw hagdangz raez-rangrang.



▲ Hagdangz ndaej vunz gien cienz gien doxgaiq.




▲ Moix ndwen cungj yienjlien ancienz baez ndeu.



▲ Lauxsae vixinx hag-seng hagsib.



▲ Haeujsim hag sursiz gisuz.



▲ Godiz yenzgiu hangh-moeg guh baenz.